

CENTRALNA BANKA
BOSNE I HERCEGOVINE



ЦЕНТРАЛНА БАНКА
БОСНЕ И ХЕРЦЕГОВИНЕ

INFO ИНФО

СВВІН / ЦББІХ

Info • Centralna Banka Bosne i Hercegovine Инфо Централна Банка Босне и Херцеговине

januar-februar | siječanj-veljača | јануар-фебруар

2019.

Centralna banka Bosne i Hercegovine

Info CBBiH priprema:
Služba za odnose sa javnošću,
Služba za publikacije i biblioteku
Služba za protokol i prevođenje

Maršala Tita 25, 71000 Sarajevo
Web stranica: www.cbbh.ba;
E-mail: pr@cbbh.ba;
Telefon: (033) 278 123

Centralna banka Bosne i Hercegovine

Info CBBiH priprema:
Služba za odnose sa javnošću
Služba za publikacije i biblioteku
Služba za protokol i prevođenje

Maršala Tita 25, 71000 Sarajevo
Web stranica: www.cbbh.ba;
E-mail: pr@cbbh.ba;
Telefon: (033) 278 123

Централна банка Босне и Херцеговине

Инфо ЦББиХ припрема:
Служба за односе са јавношћу
Служба за публикације и библиотеку
Служба за протокол и превођење

Маршала Тита 25, 71000 Сарајево
Веб страница: www.cbbh.ba;
Е-маил: pr@cbbh.ba;
Телефон: (033) 278 123

ZADACI CBBiH U 2019. GODINI

Prioritet provedba valutnog odbora i očuvanje finansijske stabilnosti

Centralna banka Bosne i Hercegovine (CBBiH) će i dalje provoditi odabrani model monetarne politike definisan Ustavom i Zakonom o Centralnoj banci i Hercegovine. Aranžman valutnog odbora se posmatra kao jedan od temelja makroekonomske stabilnosti u Bosni i Hercegovini u ovom momentu. U cilju očuvanja finansijske stabilnosti u zemlji, CBBiH će ojačati saradnju i razmjenu informacija s agencijama za bankarstvo i drugim članicama Stalnog odbora za finansijsku stabilnost (SOFS) u oblasti finansijske stabilnosti. Nastaviće se s unapređivanjem kapaciteta za efikasnije upravljanje deviznim rezervama u još uvijek nepovoljnim uslovima na finansijskim tržištima, prije svega vodeći računa o sigurnosti. CBBiH će u 2019. godini nastaviti sa započetim



aktivnostima na unapređenju platnih i obračunskih sistema, kao i Jedinstvenog registra računa za fizička lica i Centralnog registra kredita. CBBiH će i u narednom periodu usklađivati statistike s međunarodnim standardima, što će dati značajan doprinos u ispunjenju obaveza zemlje u pogledu statističkog izvještavanja u procesu EU integracija. Takođe, ostaće snažan zagovornik strukturalnih reformi u zemlji usmjerenih na podsticanje ekonomskog rasta, fiskalnu održivost, očuvanje finansijske stabilnosti i sl. Konačno, CBBiH očekuje da će njen doprinos boljem razumijevanju makroekonomskih trendova u zemlji i očekivanih efekata usklađivanja s EU tekovinama na ekonomsku aktivnost rasti u budućnosti, jer je to proces koje su prošle sve centralne banke članice.

PROCJENE

Ekonomski rast BiH na nivou prethodnih godina

Centralna banka Bosne i Hercegovine (CBBiH) očekuje da će ekonomski rast u 2019. godini biti na nivou prethodnih godina. Guverner CBBiH dr. Senad Softić smatra kako su tokom 2018. godine, ali i ranijih godina, stvoreni preduslovi za rast ekonomske aktivnosti u 2019. godini. „U proteklih nekoliko godina, BDP je iznosio oko 3%, što jeste pozitivan pokazatelj, i očekujem da će i u ovoj godini biti na nivou prethodnih godina. Svjetska banka za Bosnu i Hercegovinu predviđa ove godine ekonomski rast od 3,4%. Potrebno je, međutim, istaći da za zemlju koja se može okarakterisati kao tržište u nastajanju, s aspiracijama ulaska u Evropsku uniju što implicira i konvergenciju u ekonomskom smislu, rast ekonomske aktivnosti od 3% nije toliko impresivan da bi rezultirao osjetnim poboljšanjem standarda življenja. Potrebne su nam veće stope ekonomskog rasta da bismo mogli očekivati bržu konvergenciju u životnom standardu ka nivou Evropske unije, ali i zemalja regiona“, izjavio je guverner Softić na početku 2019. godine.

BANKARSKI SEKTOR U BiH

Stabilnost bankarskog sektora na zadovoljavajućem nivou

Na osnovu indikatora finansijskog zdravlja, može se ocijeniti da je stabilnost bankarskog sektora u Bosni i Hercegovini na zadovoljavajućem nivou. Indikatori finansijskog zdravlja pokazuju da je bankarski sektor i dalje adekvatno kapitaliziran, likvidan i profitabilan, te da se bilježi smanjenje kreditnog rizika koji je u prethodnim godinama predstavljao ključni faktor koji je ugrožavao stabilnost bh. bankarskog sektora. Nekvalitetni krediti i njihovo učešće u ukupnim kreditima bilježe kontinuirani pad u protekle dvije godine. Pozitivan efekat na kvalitet kreditnog portfolija imao je oporavak ekonomske i jačanje kreditne aktivnosti koji je evidentan i u sektoru privatnih nefinansijskih preduzeća i u sektoru domaćinstava. Kapitalne i likvidnosne pozicije su ojačane te je nastavljen rast depozita. Prema ocjeni guvernera Centralne banke Bosne i Hercegovine (CBBiH) dr. Senada Softića, u narednom periodu biće neophodno da relevantne institucije nastave raditi na implementaciji nove zakonske i podzakonske regulative u bankarskom sektoru te na daljnjem usklađivanju regulatornog okvira s EU



direktivama i međunarodnim standardima. U cilju daljnje harmonizacije zakonskog okvira za poslovanje banaka, naročito je važno usvajanje novog Zakona o osiguranju depozita u bankama u Bosni i Hercegovini. Takođe, biće neophodno nastaviti s poduzimanjem mjera i aktivnosti na očuvanju i jačanju stabilnosti bankarskog sektora i zaštite deponenata, između ostaloga i unapređenjem međuinstitucionalne saradnje i razmjenom informacija učesnika u „mreži finansijske sigurnosti“ u oblasti finansijske stabilnosti. „Posebno je važno istaći da je od ključnog značaja usklađeno djelovanje svih relevantnih institucija, sudske, zakonodavne i izvršne vlasti na stvaranju povoljnijeg cjelokupnog ekonomskog okruženja, kroz nastavak provođenja reformi u javnom i privatnom sektoru, što bi trebalo doprinijeti daljnjem smanjenju postojećeg nivoa nekvalitetne aktive u bankama, ali i efikasnijem rješavanju nekvalitetnih potraživanja ubuduće“, kazao je guverner Softić iznoseći ocjenu o stanju u bankarskom sektoru u Bosni i Hercegovini.

UNAPREĐENJA

CBBiH unaprijedila statistiku direktnih stranih investicija

Centralna banka Bosne i Hercegovine (CBBiH) je kroz svoja statistička istraživanja omogućila detaljniji prikaz stanja direktnih stranih investicija (DSI). Kroz novi unakrsni tabelarni prikaz, korisnicima je na raspolaganju istovremeni uvid u iznose investicija po zemljama i područjima djelatnosti. Na osnovu takvog prikaza je moguće analizirati strukturu investicija za svaku od zemalja iz koje dolaze strane direktne investicije, kao i geografsko porijeklo investicija za svako od područja djelatnosti. Na ovaj način se obogaćuje raspoloživa statistička podloga za predstavljanje i analiziranje potencijala za ulaganje u BiH. Statistika stanja direktnih stranih investicija kompilirana na ovaj način raspoloživa je za period 2014.-2017., a može se naći na statističkom portalu web stranice CBBiH. Analiza investiranja iz tri zemlje s najvećim iznosom ulaganja u BiH na kraju 2017. godine ukazuje na sljedeće: u investicijama iz Austrije, najveći udio od 60,4% se odnosi na finansijske djelatnosti i djelatnosti osiguranja, 25,7% na prerađivačku industriju, a 5,4% na oblast poslovanje nekretninama. Istovremeno, iz Hrvatske, kao drugog najvećeg investitora u BiH, investicije u oblast finansijske djelatnosti i djelatnosti osiguranja su 46,4%, u prerađivačku industriju 19,6%, a u oblast trgovine 15,4%. Investicije iz Srbije su dominantne u oblasti informacija i komunikacija (70,0% od ukupnih ulaganja), 11,3% u trgovinu a 7,4% u prerađivačku industriju.



PROJEKTI

Nastavak jačanja kapaciteta CBBiH uz podršku Švajcarske vlade



U Centralnoj banci Bosne i Hercegovine (CBBiH) je 13. 2. 2019. godine, potpisan sporazum o nastavku Programa bilateralne pomoći i izgradnje kapaciteta centralnih banaka, a koji će biti realizovan uz podršku Švajcarskog sekretarijata za ekonomske poslove (SECO). Sporazum su potpisali ambasadorica Švajcarske u BiH Nj.E. gđa Andrea Rauber Saxer i guverner CBBiH dr. Senad Softić. Nakon uspješno provedene prve faze Programa od 2014.-2017. godine, potpisivanje sporazuma označilo je početak druge faze, odnosno nastavak programa do 2022. godine. U pripremnom dijelu druge faze tokom 2018. godine, izvršena je analiza potreba CBBiH, te su identifikovana sljedeća prioritetna područja rada u kojima će, kroz jačanje stručnih kapaciteta, biti osigurano jačanje i prilagođavanje CBBiH međunarodnim i EU standardima: analiza i implementiranje monetarne politike (upravljanje deviznim rezervama i istraživački kapaciteti); makroekonomsko računovodstvo i statistika (pohranjivanje podataka i metodologije vremenskih serija); upravljanje ljudskim resursima; unapređenje planova za kontinuitet poslovanja, naročito u pogledu IT sistema. Program će implementirati Institut za međunarodne studije (Graduate Institute of International Studies – GIIIS) iz Ženeve.

PRIMJENA PRAVILNIKA

Ocjenjivanje rada službenika CBBiH

Prema Pravilniku o ocjenjivanju rada službenika Centralne banke Bosne i Hercegovine (CBBiH), ocjenjivači su bili dužni da u periodu od 1. 1. do 31. 1. 2019. godine izvrše ocjenjivanje rada službenika tokom 2018. godine i utvrde ciljeve za 2019. godinu. Ocjenjivanje rada službenika obavlja se u cilju praćenja i evaluacije blagovremenog, pravilnog, zakonitog i stručnog obavljanja poslova radnog mjesta na koje je službenik raspoređen i utvrđenih radnih ciljeva koji proizlaze iz plana rada organizacione jedinice odnosno organizacionog oblika u koje je službenik raspoređen za konkretni period ocjenjivanja.

U toku postupka ocjenjivanja rada službenika CBBiH, također postoji obaveza praćenja kompetencija službenika iskazanih u njegovom radu, a koje su utvrđene propisom o sistematizaciji radnih mjesta u CBBiH za konkretnu kategoriju radnog mjesta na koje je službenik raspoređen. S tim u vezi, u januaru je održana radionica o ocjenjivanju službenika tokom koje je, između ostalog, istaknuto da ocjenjivanje treba posmatrati kao pozitivan proces i tako ga trebaju prihvatiti svi učesnici u procesu kojim bi se trebalo osigurati da su aktivnosti i rezultati službenika u skladu s ciljevima organizacije.

И N F O И N F O
C B B I H Ц B B I H



www.cbbh.ba



Centralna Banka Bosne i Hercegovine/
Central Bank of Bosnia and Herzegovina



@CBBiH

ZADATCI CBBiH U 2019. GODINI

Prioritet provedba valutnog odbora i očuvanje financijske stabilnosti

Centralna banka Bosne i Hercegovine (CBBiH) i dalje će provoditi odabrani model monetarne politike definiran Ustavom i Zakonom o Centralnoj banci i Hercegovine. Aranžman valutnog odbora se promatra kao jedan od temelja makroekonomske stabilnosti u Bosni i Hercegovini u ovom momentu. U cilju očuvanja financijske stabilnosti u zemlji, CBBiH će ojačati suradnju i razmjenu informacija s agencijama za bankarstvo i drugim članicama Stalnog odbora za financijsku stabilnost (SOFS) u oblasti financijske stabilnosti. Nastaviti će se s unapređivanjem kapaciteta za učinkovitije upravljanje deviznim pričuvama u još uvijek nepovoljnim uvjetima na financijskim tržištima, prije svega vodeći računa o sigurnosti. CBBiH će u 2019. godini nastaviti sa započetim



aktivnostima na unapređenju platnih i obračunskih sustava, kao i Jedinog registra računa za fizičke osobe i Središnjeg registra kredita. CBBiH će i u narednom razdoblju usklađivati statistike s međunarodnim standardima, što će dati značajan doprinos u ispunjenju obveza zemlje u pogledu statističkog izvještavanja u procesu EU integracija. Također, ostati će snažan zagovornik strukturalnih reformi u zemlji usmjerenih na poticanje ekonomskog rasta, fiskalnu održivost, očuvanje financijske stabilnosti i sl. I u konačnici, CBBiH očekuje da će njezin doprinos boljem razumijevanju makroekonomskih trendova u zemlji i očekivanih učinaka usklađivanja s EU tekovinama na ekonomsku aktivnost rasti u budućnosti, jer je to proces koje su prošle sve središnje banke članice.

PROCJENE

Ekonomski rast BiH na razini prethodnih godina

Centralna banka Bosne i Hercegovine (CBBiH) očekuje da će ekonomski rast u 2019. godini biti na razini prethodnih godina. Guverner CBBiH dr. Senad Softić smatra kako su tijekom 2018. godine, ali i ranijih godina, stvoreni preduvjeti za rast ekonomske aktivnosti u 2019. godini. „U proteklih nekoliko godina, BDP je iznosio oko 3%, što jeste pozitivan pokazatelj, i očekujem da će i u ovoj godini biti na razini prethodnih godina. Svjetska banka za Bosnu i Hercegovinu predviđa ove godine ekonomski rast od 3,4%. Potrebno je, međutim, istaći da za zemlju koja se može okarakterizirati kao tržište u nastajanju, s aspiracijama ulaska u Europsku uniju što implicira i konvergenciju u ekonomskom smislu, rast ekonomske aktivnosti od 3% nije toliko impresivan da bi rezultirao osjetnim poboljšanjem standarda življenja. Potrebne su nam veće stope ekonomskog rasta da bismo mogli očekivati bržu konvergenciju u životnom standardu na razini Europske unije, ali i zemalja regije“, izjavio je guverner Softić na početku 2019. godine.

BANKARSKI SEKTOR U BiH

Stabilnost bankarskog sektora na zadovoljavajućoj razini

Na temelju pokazatelja financijskog zdravlja, može se ocijeniti da je stabilnost bankarskog sektora u Bosni i Hercegovini na zadovoljavajućoj razini. Pokazatelji financijskog zdravlja pokazuju da je bankarski sektor i dalje adekvatno kapitaliziran, likvidan i profitabilan, te da se bilježi smanjenje kreditnog rizika koji je u prethodnim godinama predstavljao ključni čimbenik koji je ugrožavao stabilnost bh. bankarskog sektora. Nekvalitetni krediti i njihov udio u ukupnim kreditima bilježe kontinuirani pad u protekle dvije godine. Pozitivan učinak na kvalitetu kreditnog portfelja imao je oporavak ekonomske i jačanje kreditne aktivnosti koji je evidentan i u sektoru privatnih nefinancijskih poduzeća i u sektoru kućanstava. Kapitalne i likvidnosne pozicije su ojačane te je nastavljen rast depozita. Prema ocjeni guvernera Centralne banke Bosne i Hercegovine (CBBiH) dr. Senada Softića, u narednom razdoblju bit će neophodno da relevantne institucije nastave raditi na implementiranju nove zakonske i podzakonske regulative u bankarskom



sektoru te na daljnjem usklađivanju regulatornog okvira s EU direktivama i međunarodnim standardima. U cilju daljnje harmonizacije zakonskog okvira za poslovanje banaka, osobito je važno usvajanje novog Zakona o osiguranju depozita u bankama u Bosni i Hercegovini. Također, bit će neophodno nastaviti s poduzimanjem mjera i aktivnosti na očuvanju i jačanju stabilnosti bankarskog sektora i zaštite deponenata, između ostaloga i unapređenjem međuinstitucionalne suradnje i razmjenom informacija sudionica u „mreži financijske sigurnosti“ u oblasti financijske stabilnosti. „Posebno je važno istaći da je od ključnog značaja usklađeno djelovanje svih relevantnih institucija, sudske, zakonodavne i izvršne vlasti na stvaranju povoljnijeg cjelokupnog ekonomskog okruženja, kroz nastavak provođenja reformi u javnom i privatnom sektoru, što bi trebalo doprinijeti daljnjem smanjenju postojeće razine nekvalitetne aktive u bankama, ali i učinkovitijem rješavanju nekvalitetnih potraživanja ubuduće“, kazao je guverner Softić iznoseći ocjenu o stanju u bankarskom sektoru u Bosni i Hercegovini.

UNAPREĐENJA

CBBiH unaprijedila statistiku izravnih stranih investicija

Centralna banka Bosne i Hercegovine (CBBiH) je kroz svoja statistička istraživanja omogućila detaljniji prikaz stanja izravnih stranih investicija (ISI). Kroz novi unakrsni tabelarni prikaz, korisnicima je na raspolaganju istodobni uvid u iznose investicija po zemljama i područjima djelatnosti. Na temelju takvog prikaza je moguće analizirati strukturu investicija za svaku od zemalja iz koje dolaze strane izravne investicije, kao i geografsko podrijetlo investicija za svako od područja djelatnosti. Na ovaj način se obogaćuje raspoloživa statistička podloga za predstavljanje i analiziranje potencijala za ulaganje u BiH. Statistika stanja izravnih stranih investicija kompilirana na ovaj način raspoloživa je za razdoblje 2014.-2017., a može se naći na statističkom portalu web stranice CBBiH. Analiza investiranja iz tri zemlje s najvećim iznosom ulaganja u BiH na kraju 2017. godine ukazuje na sljedeće: u investicijama iz Austrije, najveći udio od 60,4% se odnosi na financijske djelatnosti i djelatnosti osiguranja, 25,7% na prerađivačku industriju, a 5,4% na oblast poslovanje nekretninama. Istodobno, iz Hrvatske, kao drugog najvećeg investitora u BiH, investicije u oblast financijske djelatnosti i djelatnosti osiguranja su 46,4%, u prerađivačku industriju 19,6%, a u oblast trgovine 15,4%. Investicije iz Srbije su dominantne u oblasti informacija i komunikacija (70,0% od ukupnih ulaganja), 11,3% u trgovinu a 7,4% u prerađivačku industriju.



PROJEKTI

Nastavak jačanja kapaciteta CBBiH uz podršku Švicarske vlade



U Centralnoj banci Bosne i Hercegovine (CBBiH) je 13. 2. 2019. godine, potpisan sporazum o nastavku Programa bilateralne pomoći i izgradnje kapaciteta središnjih banaka, a koji će biti realiziran uz podršku Švicarskog tajništva za ekonomske poslove (SECO). Sporazum su potpisali veleposlanica Švicarske u BiH Nj.E. gđa Andrea Rauber Saxer i guverner CBBiH dr. Senad Softić. Nakon uspješno provedene prve faze Programa od 2014.-2017. godine, potpisivanje sporazuma označilo je početak druge faze, odnosno nastavak programa do 2022. godine. U pripremnom dijelu druge faze tijekom 2018. godine, izvršena je analiza potreba CBBiH, te su identificirana sljedeća prioritetna područja rada u kojima će, kroz jačanje stručnih kapaciteta, biti osigurano jačanje i prilagođavanje CBBiH međunarodnim i EU standardima: analiza i implementiranje monetarne politike (upravljanje deviznim pričuvama i istraživački kapaciteti); makroekonomsko računovodstvo i statistika (pohranjivanje podataka i metodologije vremenskih serija); upravljanje ljudskim resursima; unapređenje planova za kontinuitet poslovanja, osobito u pogledu IT sustava. Program će implementirati Institut za međunarodne studije (Graduate Institute of International Studies – GIIS) iz Ženeve.

PRIMJENA PRAVILNIKA

Ocjenjivanje rada djelatnika CBBiH

Prema Pravilniku o ocjenjivanju rada djelatnika Centralne banke Bosne i Hercegovine (CBBiH), ocjenjivači su bili dužni da u razdoblju od 1. 1. do 31. 1. 2019. godine izvrše ocjenjivanje rada djelatnika tijekom 2018. godine i utvrde ciljeve za 2019. godinu. Ocjenjivanje rada djelatnika obavlja se u cilju praćenja i evaluacije pravodobnog, pravilnog, zakonitog i stručnog obavljanja poslova radnog mjesta na koje je djelatnik raspoređen i utvrđenih radnih ciljeva koji proizlaze iz plana rada organizacijske jedinice odnosno organizacijskog oblika u koje je djelatnik raspoređen za konkretno razdoblje ocjenjivanja.

Tijekom postupka ocjenjivanja rada djelatnika CBBiH, također postoji obveza praćenja kompetencija djelatnika iskazanih u njegovom radu, a koje su utvrđene propisom o sistematizaciji radnih mjesta u CBBiH za konkretnu kategoriju radnog mjesta na koje je djelatnik raspoređen. S tim u vezi, u siječnju je održana radionica o ocjenjivanju djelatnika tijekom koje je, između ostalog, istaknuto da ocjenjivanje treba promatrati kao pozitivan proces i tako ga trebaju prihvatiti svi sudionici u procesu kojim bi se trebalo osigurati da su aktivnosti i rezultati djelatnika u skladu s ciljevima organizacije.

И N F O И N F O
C B B I H Ц Б Б И Х



www.cbbh.ba



Centralna Banka Bosne i Hercegovine/
Central Bank of Bosnia and Herzegovina



@CBBiH

ЗАДАЦИ ЦББИХ У 2019. ГОДИНИ

Приоритет provedба валутног одбора и очување финансијске стабилности

Централна банка Босне и Херцеговине (ЦББИХ) ће и даље проводити одабрани модел монетарне политике дефинисан Уставом и Законом о Централној банци и Херцеговине. Аранжман валутног одбора се посматра као један од темеља макроекономске стабилности у Босни и Херцеговини у овом моменту. У циљу очувања финансијске стабилности у земљи, ЦББИХ ће ојачати сарадњу и размјену информација с агенцијама за банкарство и другим чланицама Сталног одбора за финансијску стабилност (СОФС) у области финансијске стабилности. Наставиће се с унапређивањем капацитета за ефикасније управљање девизним резервама у још увијек неповољним условима на финансијским тржиштима, прије свега водећи рачуна о сигурности. ЦББИХ ће 2019. години



наставити са започетим активностима на унапређењу платних и обрачунских система, као и Јединственог регистра рачуна за физичка лица и Централног регистра кредита. ЦББИХ ће и у наредном периоду усклађивати статистике с међународним стандардима, што ће дати значајан допринос у испуњењу обавеза земље у погледу статистичког извјештавања у процесу ЕУ интеграција. Такође, остаће снажан заговорник структуралних реформи у земљи усмјерених на подстицање економског раста, фискалну одрживост, очување финансијске стабилности и сл. Коначно, ЦББИХ очекује да ће њен допринос бољем разумијевању макроекономских трендова у земљи и очекиваних ефеката усклађивања с ЕУ тековинама на економску активност расти у будућности, јер је то процес које су прошле све централне банке чланице.

ПРОЦЕНЕ

Економски раст БиХ на нивоу претходних година

Централна банка Босне и Херцеговине (ЦББИХ) очекује да ће економски раст у 2019. години бити на нивоу претходних година. Гувернер ЦББИХ др Сенад Софтић сматра како су током 2018. године, али и ранијих година, створени предуслови за раст економске активности у 2019. години. „У протеклих неколико година, БДП је износио око 3%, што јесте позитиван показатељ, и очекујем да ће и у овој години бити на нивоу претходних година. Свјетска банка за Босну и Херцеговину предвиђа ове године економски раст од 3,4%. Потребно је, међутим, истаћи да за земљу која се може окарактерисати као тржиште у настајању, с аспирацијама уласка у Европску унију што имплицира и конвергенцију у економском смислу, раст економске активности од 3% није толико импресиван да би резултирао осјетним побољшањем стандарда живљења. Потребне су нам веће стопе економског раста да бисмо могли очекивати бржу конвергенцију у животном стандарду ка нивоу Европске уније, али и земаља региона“, изјавио је гувернер Софтић на почетку 2019. године.

БАНКАРСКИ СЕКТОР У БИХ

Стабилност банкарског сектора на задовољавајућем нивоу

На основу индикатора финансијског здравља, може се оцијенити да је стабилност банкарског сектора у Босни и Херцеговини на задовољавајућем нивоу. Индикатори финансијског здравља показују да је банкарски сектор и даље адекватно капитализован, ликвидан и профитабилан, те да се биљежи смањење кредитног ризика који је у претходним годинама представљао кључни фактор који је угрожавао стабилност бх. банкарског сектора. Неквалитетни кредити и њихово учешће у укупним кредитима биљеже континуирани пад у протекле двије године. Позитиван ефекат на квалитет кредитног портфела имао је опоравак економске и јачање кредитне активности који је евидентан и у сектору приватних нефинансијских предузећа и у сектору домаћинстава. Капиталне и ликвидносне позиције су ојачане те је настављен раст депозита. Према оцјени гувернера Централне банке Босне и Херцеговине (ЦББИХ) др Сенада Софтића, у наредном периоду биће неопходно да релевантне институције наставе радити на имплементацији нове законске и подзаконске



регулативе у банкарском сектору те на даљњем усклађивању регулаторног оквира с ЕУ директивама и међународним стандардима. У циљу даљње хармонизације законског оквира за пословање банака, нарочито је важно усвајање новог Закона о осигурању депозита у банкама у Босни и Херцеговини. Такође, биће неопходно наставити с подuzимањем мјера и активности на очувању и јачању стабилности банкарског сектора и заштите депонената, између осталог и унапређењем међуинституционалне сарадње и размјеном информација учесника у „мрежи финансијске сигурности“ у области финансијске стабилности. „Посебно је важно истаћи да је од кључног значаја усклађено дјеловање свих релевантних институција, судске, законодавне и извршне власти на стварању повољнијег цјелокупног економског окружења, кроз наставак провођења реформи у јавном и приватном сектору, што би требало допринијети даљњем смањењу постојећег нивоа неквалитетне активе у банкама, али и ефикаснијем рјешавању неквалитетних потраживања будуће“, казао је гувернер Софтић износећи оцјену о стању у банкарском сектору у Босни и Херцеговини.

УНАПРЕЂЕЊА

ЦББиХ унаприједила статистику директних страних инвестиција

Централна банка Босне и Херцеговине (ЦББиХ) је кроз своја статистичка истраживања омогућила детаљнији приказ стања директних страних инвестиција (ДСИ). Кроз нови унакрсни табеларни приказ, корисницима је на располагању истовремени увид у износе инвестиција по земљама и подручјима дјелатности. На основу таквог приказа је могуће анализирати структуру инвестиција за сваку од земаља из које долазе стране директне инвестиције, као и географско поријекло инвестиција за свако од подручја дјелатности. На овај начин се обогаћује расположива статистичка подлога за представљање и анализирање потенцијала за улагање у БиХ. Статистика стања директних страних инвестиција компилована на овај начин расположива је за период 2014.-2017., а може се наћи на статистичком порталу веб странице ЦББиХ. Анализа инвестирања из три земље с највећим износом улагања у БиХ на крају 2017. године указује на следеће: у инвестицијама из Аустрије, највеће учешће од 60,4% се односи на финансијске дјелатности и дјелатности осигурања, 25,7% на прерађивачку индустрију, а 5,4% на област пословање некретнинама. Истовремено, из Хрватске, као другог највећег инвеститора у БиХ, инвестиције у област финансијске дјелатности и дјелатности осигурања су 46,4%, у прерађивачку индустрију 19,6%, а у област трговине 15,4%. Инвестиције из Србије су доминантне у области информација и комуникација (70,0% од укупних улагања), 11,3% у трговину а 7,4% у прерађивачку индустрију.



ПРОЈЕКТИ

Наставак јачања капацитета ЦББиХ уз подршку Швајцарске владе



У Централној банци Босне и Херцеговине (ЦББиХ) је 13. 2. 2019. године, потписан споразум о наставку Програма билатералне помоћи и изградње капацитета централних банака, а који ће бити реализован уз подршку Швајцарског секретаријата за економске послове (SECO). Споразум су потписали амбасадорица Швајцарске у БиХ Њ.Е. гђа Andrea Rauber Saxer и гувернер ЦББиХ др Сенад Софтић. Након успјешно проведене прве фазе Програма од 2014.-2017. године, потписивање споразума означило је почетак друге фазе, односно наставак програма до 2022. године. У припремном дијелу друге фазе током 2018. године, извршена је анализа потреба ЦББиХ, те су идентификована следећа приоритетна подручја рада у којима ће, кроз јачање стручних капацитета, бити осигурано јачање и прилагођавање ЦББиХ међународним и ЕУ стандардима: анализа и имплементација монетарне политике (управљање девизним резервама и истраживачки капацитети); макроекономско рачуноводство и статистика (похрањивање података и методологије временских серија); управљање људским ресурсима; унапређење планова за континуитет пословања, нарочито у погледу ИТ система. Програм ће имплементирати Институт за међународне студије (Graduate Institute of International Studies – GIIIS) из Женева.

ПРИМЈЕНА ПРАВИЛНИКА

Оцјењивање рада службеника ЦББиХ

Према Правилнику о оцјењивању рада службеника Централне банке Босне и Херцеговине (ЦББиХ), оцјењивачи су били дужни да у периоду од 1. 1. до 31. 1. 2019. године изврше оцјењивање рада службеника током 2018. године и утврде циљеве за 2019. годину. Оцјењивање рада службеника обавља се у циљу праћења и евалуације благовременог, правилног, законитог и стручног обављања послова радног мјеста на које је службеник распоређен и утврђених радних циљева који произлазе из плана рада организационе јединице односно организационог облика у које је службеник распоређен за конкретни период оцјењивања. У току

поступка оцјењивања рада службеника ЦББиХ, такође постоји обавеза праћења компетенција службеника исказаних у његовом раду, а које су утврђене прописом о систематизацији радних мјеста у ЦББиХ за конкретну категорију радног мјеста на које је службеник распоређен. С тим у вези, у јануару је одржана радионица о оцјењивању службеника током које је, између осталог, истакнуто да оцјењивање треба посматрати као позитиван процес и тако га требају прихватити сви учесници у процесу којим би се требало осигурати да су активности и резултати службеника у складу с циљевима организације.

ІНФО ІНФО
СВВІН ЦББИХ



www.cbbh.ba



Centralna Banka Bosne i Hercegovine/
Central Bank of Bosnia and Herzegovina



@CBBiH

СВВІН ІНФО
СВВІН ІНФО
ЦББИХ ІНФО

januar-februar
siječanj-veljača
јануар-фeбруар